

Pisortat sullississutaasa suliakkiissutigineqarnerannik atuinermi iluaqutaasunik qulaajaalluni UPA2021mut naassuiaasiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut, assersuutigalugu eqqiaaneq, aqqusinernik aserfallatsaaliuineq, illunik aserfallataaliuineq utoqqarnillu paaqqinninneq. Nassuiaat misileraalluni aaqqissuussisinnaanrmut inassuteqaatinik kiisalu misileraalluni aaqqissuussinernik avammut suliakkiissutigineqarluarsinnaasunik nalilersuinermut inassuteqaatinik imaqassaaq.

(Inatsisartunut ilaasortaq Tillie Martinussen, Suleqatigiissitsisut)

Akissuteqaat

(Aningaasaqarnermut Nunanilu Avannarlerni suleqatigiinnermut Naalakkersuisoq)

Siullermeerneqarnera

Naalakkersuisut sunnerkugit Inatsisartunut ilaasortaq, Tillie Martinussen, aalajangiiffigisassatut siunnersuuteqarneranut qutsavigaara.

Naalakkersuisut siunnersuuteqartoq isumaqatigaat inuussutissarsiorneq nukittunerusoq imminullu napatissinnaanerusoq pingaaruteqarmat, periarfissallu tamaasa isumaliutigisagatsigit pisortat ingerlatsinerat ingerlalluartoq sunniuteqarluartorlu qilakkiissagutsigu, tassani tunngavigisagatsigu innuttaasut atugarissaarnissaat nunatsinnilu ineriartornerup siuariartornerullu ingerlaannarnissaat qulakkiissagutsigu.

Naalakkersuisut pisunik isiginninnerattut pisortat ingerlataasa suli pitsaanerulersinnissaata pimoortinnginnissaanut periarfissaqanngilagut. Inuit paasinartumik pitsaanerumik amerlanerusunillu pisortanit sullinneqarnissamik kissataat paasinarpoq, tassami pisortat susassa qarfianni ataavartumik naammassisaqarfiusumik nutarterisoqanngippat pisortat aningaasaqarneranni attassiinnarnissamik ajornartorsiutit ingerlanneqarsinnaanngimmata.

Tunngaviusumik pisariaqarpoq erseqqissassallugu namminersortut sullissinerat pisortat sullissinerannik pitsaanerusoq. Uani aalajangiisuusoq unaavoq pitsaasumik naammassisaqarfiusumillu unammillertoqarnerusoq. Suliakkiissuteqartarneq pisortat susassa qarfianni ataasiinnarnik pisiortorfeqartumi akikinnerusumik pitsaanerusumillu suliap naammassineranik kinguneqarnissaa qulakkeerneqarsinnaanngilaq.

Tamatuma saniatigut ukiuni makkunani aningaasartuutininik misissueqqissaarnerit arlallit ingerlanneqarput, tassami pisortat ingerlataanni annertuuni ujartorneqarmat nukissat pitsaanerpaamik atorneqartarnerisut qulaajarumallugu, taamaassimanngippallu

atorluaanissamut periarfissaq sumiinnersoq paasisallugu. Suliakkiissuteqartarnerup atorpeqarsinnaanera paasiniagassani taakkunani pissusissamisoortumik ilaatinneqarpoq.

Naalackersuisut erseqqissassallugu pingaartippaat, Naalackersuisut sutigulluunniit tunngaviisigut anguniakkalluunniit allat pissutigalugit pisortat suliassaataasa suliakkiissutiginiisaannut akerliunngimmata.

Soorunami suliakkiissuteqartarnissami periarfissani, aamma pissusissamisoortumik, apeqqutaalluinnassaaq akiliutissat tamatumunnga tunngasut sorliit uani pineqarnerut. Pisut ilaanni suliakkiissutigisassat pitsaanerulersitsinissamut pissutissaqalersitsinnaapput. Pisuni allani tamanna aaqqiissutissatut pitsaanerpaajunngilaq. Ataatsimut isigalugu iluatsittumik suliakkiissuteqassagaanni suliassaq pineqartoq naammattumik annertussuseqassasoq pisariaqassaaq tamanna niuernikkut soqutiginarinneqassappat, aamma susassaqarfimmi pineqartumi naammattumik unammillertoqarnissaa pilersinneqarsinnaassaaq.

Oqaatigineqarsinnaalluarpoq utaqqiisaasumik inissaqartitsineq aamma Namminersorlutik Oqartussat kantiinaanik ingerlatsineq siornatigut allanut suliakkiissutaasarsimasut pisortanik ingerlateqqinneqartussanngorsimavoq, tamannalu taakkunani marluusuni sipaaruteqarfiusussatut suliassalu aaqqiinissamik ataatsimik kinguneqarsimavoq massakkut pisariaqartinneqartut pitsaanerusumik naleqqussuseqalersillugit.

Allanut suliakkiissuteqarsinnaaneq massakkut suliassanut aaqqivigineqartussanut ataqatigiisillugit nalilersorneqartariaqarput.

Taamaattumik Naalackersuisut ilisimaarinninnerat malillugu susassaqarfimmi annertuumik namminersuutigalugu misissuilemniissaaq pissusissamisoortuunngilaq. Tassunga atatillugu oqaatigineqassaaq siunnersuuteqartumit suliassat taaneqartut amerlanerit kommunip susassaqarfianiimmata, taamaattumik suliakkiisutaasinnaasut kommuninit qulaajarneqartariaqassammata. Ataatsimut isigalugu allanut suliakkiissuteqarsinnaanermut periarfissaq alla nalilissallugu aningaasartuutissat misissoqqissaarneranni pisortani massakkut pisunut sanilliullugu pissusissamisuunngitsumik iliuuseqarfiginiarneqartutut isikkoqarpoq.

Pisortat ingerlataannik arlalissuarnik suliakkiissuteqartarneq maanna ingerlanneqareerpoq. Assersuutigalugu Namminersorlutik Oqartussat allaffissuani eqqiaasarneq ukiuni arlaqartuni namminersortunut suliakkiissutigineqarnikuuvoq. Aputaajaasarneq aamma namminersortunit ingerlanneqartartoq assersuutaasinnaavoq. Illuutinik aserfallatsaaliineq pisariaqavissumik suliassat allat namminersortunik ingerlanneqarput.

Qulaani pineqartut tunngavigalugit Naalackersuisut nalilerpaat pisortat ingerlatsiviisa sunniuteqarnerulersinnissaannut nukissatigut suliniuteqarneq pissusissamisoortumik aaqqissuunneqarsimasoq, aamma allanut suliakkiissuteqartarneq pillugu immikkut ittumik nalunaarusiornissamik siunnersuut siunnersuuteqartup kissaataata malersornissaanut periaasiussasoq pitsaanerpaajunngitsoq.

Taamaattumik siunnersuutip itigartitsissutigineqarnissaa Naalackersuisut inassutigaat.